

Innkalling av Ungdomsrådet

Møtedato: 22.11.2021

Møtestad: Osterøy bibliotek

Møtetid: 14:00 – 16:00

Det er hovudmedlemmane som er innkalla. Varamedlemmer møter berre etter beskjed frå Silje.

Dersom du ikkje kan delta på møtet må du melde i frå til Silje Solberg om dette, du kan sende e-post til silje.solberg@osteroy.kommune.no eller tekstmelding på 48480742.

Saker merka med * er det vedlegg til.

Sakliste

Saksnummer:	Tittel:
32/21	Godkjenning av innkalling og saksliste
33/21	Godkjenning av møteprotokoll*
34/21	Søknad frå Osterøy bibliotek*
35/21	Årsmelding 2020/2021*

Orienteringssaker:	Tittel:
1	Oppsummering av status på tidlegare saker
2	Kollektivtilbodet på Osterøy
3	Ung data

18.11.21

Silje Solberg

Koordinator og sekretær for ungdomsrådet

Møteprotokoll for Osterøy ungdomsråd

Møtedato: 25.10.2021

Møtestad: Heradsstyresalen på rådhuset

Møtetid: 14:00 – 16:00

Frammøtte medlemmer	Rolle:	Representant frå:
Sebastian Gran Reigstad	Nestleiar	OVGS
Lena Hopland	Medlem	Danielsen ungdomsskule
Olav Småland	Medlem	OUS
Elise Vevle	Medlem	Kultur

Desse møtte ikkje:

Frøya Ahmer Solberg (meldt avbod)

Vegard Bakvatnet Wie

Johannes Tepstad Sylta

Lukas Bysheim Isvik

Sebastian Gran Reigstad meldte frå om at han kom 14:50. Lena Hopland, Elise Vevle og Olav Småland vart einige om vente med å gå gjennom sakslista til Sebastian Gran Reigstad kom, slik at rådet vart vedtaksdyktig. Helsestasjonen var invitert i byrjinga av møtet, og dei la fram presentasjonen sin før møtet vart starta formelt.

Andre som deltok på møtet:

Silje Solberg (koordinator og sekretær for ungdomsrådet)

Kari Mjøs (politikarkontakt)

Beate Kleppe, Hanne Mjelde Birkeland og Marilen Hanstveit frå Osterøy helsestasjon

Kristoffer Kleiveland, konstituert biblioteksjef på Osterøy bibliotek

Saksliste

Saksnummer:

Tittel:

28/21	Godkjenning av innkalling og saksliste
29/21	Godkjenning av møteprotokoll
30/21	Helsestasjon for ungdom
31/21	Innspel til utvikling av ungdomsavdelinga ved Osterøy bibliotek

Orienteringssaker: Tittel:

1	Oppsummering av status på tidlegare saker
---	---

2	Invitasjon til nettverkssamling 21.-22. november
3	Kollektivtilbudet på Osterøy

28/21: Godkjenning av innkalling og saksliste

Innkalling og saksliste vert godkjent.

25.10.2021 – Ungdomsråd**UR- 28/21 – Vedtak:**

Innkalling og saksliste med vert godkjent.

29/21: Godkjenning av møteprotokoll

Møteprotokoll blir godkjent.

25.10.2021 – Ungdomsråd**UR- 29/21 – Vedtak:**

Møteprotokoll blir godkjent.

30/21: Helsestasjon for ungdom

Bakgrunn: Helsestasjon for ungdom ønskjer å nå ut til fleire ungdommar slik at dei får fleire til å bruke tilbudet. Dei ønskjer tilbagemeldingar frå ungdomsrådet på kva dei tenkjer Helsestasjon for ungdom bør og skal vere for ungdommen på Osterøy.

25.10.2021 – Ungdomsråd:**Behandling:**

Dei frammøtte føreslår at helsestasjonen legg fram det dei hadde tenkt, sjølv om ikkje ungdomsrådet er vedtaksdyktig enno. Når alle har møtt fram, skal dei ta stilling til korleis dei vil behandle invitasjonen frå helsestasjonen.

Helsesjukepleiarane fortel om tilbudet på Helsestasjon for ungdom. Dei har merka at det er færre som kjem innom no når dei er på Familiens hus enn når helsestasjonen låg i Coop-bygget i Lonevåg. Dei les opp innspel som ungdomsrådet gav dei i 2017, og vil ha fleire innspel frå dagens ungdomsråd.

Møteleiar legg fram forslag om at UR sender eit skriftleg innspel basert på samtalen under og etter besøket av Helsestasjon for ungdom.

Desse innspela kom opp:

- Det er lurt å ta opp igjen tradisjonen med å ha besøksdag på helsestasjonen for alle på 8. trinn. Det er vanskeleg å finne fram i eit nytt bygg, og kan vere flaut å gå der når ein ikkje veit veien.

- Anonym chat er bra. For ungdommane spelar det ikkje så stor rolle kvar for ei av dei mange tilgjengelege chatte-tenestene dei bruker, men for dei som jobbar på helsestasjonen vil det vere ein fordel å tilby ein anonym, lokal chat, slik at dei får vite kor skoen trykkjer for ungdommane på øya.
- Det trengs både mannlege og kvinnelege helsesjukepleiarar
- UR ønskjer betre informasjon om kva ein kan få hjelp til på Helsestasjon for ungdom.
- Det er for mykje fokus på «store» ting som krev behandling, som kjønssjukdommar og graviditetstestar, og det gjer at det kan vere flaut å bli sett på helsestasjonen. Det er viktig å formidle at Helsestasjon for ungdom er ein trygg plass der ein kan komme med både store og små problem. Det kan bidra til at fleire tør å vise seg der.
- UR stiller seg bak innspela som ungdomsrådet gav til Helsestasjon for ungdom i 2017.
- Av sosiale medier er det Instagram som er best å bruke for å nå ungdommane

UR- 30/21 – Vedtak:

Ungdomsrådet ønskjer å gi eit skriftleg innspel til Helsestasjon for ungdom.

Koordinator formulerer forslag til innspel og legg det fram på neste møte. Einstemmig vedtatt.

31/21: Innspel til utvikling av ungdomsavdelinga på Osterøy bibliotek

Biblioteksjef Kristoffer Kleiveland informerer om biblioteket sitt tilbod for ungdommar, og ønskjer innspel frå UR for å kunne utvikle biblioteket som ein naturleg møteplass for unge og ungdommar på Osterøy.

25.10.2021- Ungdomsråd:

Behandling:

I samtalen mellom UR og biblioteksjefen kjem desse innspela opp:

- Biblioteket må marknadsførast som ein stad der ungdommar kan komma og henga.
- Ping pong bord er bra å ha
- Det må leggjast til rette for gaming
- Brettspel som er lett tilgjengelege er bra
- Matservering kan lokke ein del til å komma innom
- Instagram er det beste sosiale mediet for å nå ungdommane

Møteleiar kjem med forslag om at ungdomsrådet gir munnlege innspel til utvikling av ungdomsavdelinga på biblioteket. Ungdomsrådet kan bruke av midlane sine til å utvikla ungdomsavdelinga til å bli ein attraktiv møteplass med ulike aktivitetar. Biblioteket noterer seg innspela som er komne i løpet av samtalen på møtet, og kan sende søknad med konkrete forslag til korleis dei vil utvikle ungdomsavdelinga på neste møte i ungdomsrådet.

UR- 31/21 – Vedtak:

Ungdomsrådet gir munnlege innspel til utvikling av ungdomsavdelinga på biblioteket. Einstemmig vedteke.

Ungdomsrådet kan bruke av midlane sine til å utvikla ungdomsavdelinga til å bli ein attraktiv møteplass med ulike aktivitetar. Biblioteket kan sende søknad med konkrete forslag til korleis dei vil utvikle ungdomsavdelinga på neste møte i ungdomsrådet, basert på innspela frå ungdomsrådet. Einstemmig vedteke.

Orienteringssak 1 – Oppsummering av status på tidlegare saker

Koordinator informerer om at dei nye vedtektene er vedtekne i heradsstyret.

Orienteringssak 2 – Invitasjon til nettverkssamling 21.-22. november

Koordinator informerer om at Vestland Ungdomsutval har sendt ut melding om at det blir nettverkssamling for ungdomsråda i fylket i november. Invitasjon kjem seinare.

Orienteringssak 3 – Kollektivtilbodet på Osterøy

Koordinator informerer om at ordføraren vil komma på neste møte og snakke med ungdomsrådet om kollektivtilbodet på øya.

Til å signere protokoll blir Sebastian Gran Reigstad, Lena Hopland og Elise Vevle valt.

ÅRSMELDING 2020/2021 OSTERØY UNGDOMSRÅD

Føremål

Ungdomsrådet i Osterøy kommune skal representere interessene til ungdommen i kommunen, og er eit rådgivande medverknadsorgan. Medlemmane er folkevalde, og representerer og uttalar seg på vegne av alle ungdommar på Osterøy. Ungdomsrådet har rett til å uttale seg i saker som gjeld ungdom.

Samansetning

Ungdomsrådet har 8 representantar med 8 personlege vararepresentantar.

1 frå Danielsen ungdomsskule

2 frå Osterøy ungdomsskule

3 frå Osterøy vidaregåande skule

2 som representerer frivillige lag og organisasjonar (idrett og kultur)

Medlemmane i ungdomsrådet er valt inn frå 15/10-20 til 10/12-21.

Representantar i 2020/21:

Osterøy vidaregåande skule		
Frøya Ahmer Solberg	Vg1 -ST	Leiar
Sebastian Gran Reigstad	Vg3-ST	Nestleiar
Aurora Solberg	Vg1-TIA	Vara
Simon Birkeland	Vg3-ST	Vara
Danielsen ungdomsskule		
Theodor Solheim Gjenga	10. trinn	Representant (permisjon frå aug, 21)
Lena Hopland	9.trinn	Vara (fast representant frå aug. 21)
Osterøy ungdomsskule		
Vegard Brakvatnet Wie	10B	Representant
Julie Helle	9CD	Representant (permisjon frå aug, 21)
Johannes Tepstad Sylta	8E	Representant
Tia Dilara Lona Altinpinar	10CD	Vara
Olav Småland	9AB	Vara (fast representant frå aug. 21)
Ronja Espevoll	8CD	Vara
Idrett Osterøy		
Lukas Bysheim Isvik		Representant
Henrik Styve Mjelde		Vara
Kultur Osterøy		
Elise Vevle		Representant
Jonas Øvsthus		Vara

Politikar med møte- og talerett : Representant for heradsstyret er Kari Mjøs (Krf)

Møter

Ungdomsrådet har hatt 8 møter. Rådet har behandla 35 saker og 22 orienteringssaker (inkludert faste saker på sakslista), og av dei er det 8 saker som rådet har gitt innspel til. Alle møta har vore i 2021.

Ungdomsrådet har gitt innspel til desse sakene:

- Spørjeundersøking frå Kulturtanken: Framtidas kulturtilbod for barn og unge
- Kommunedelplan for idrett, friluftsliv og fysisk aktivitet
- Ungdomsavdelinga på Osterøy bibliotek
- Helsestasjon for ungdom
- Sommar på Osterøy
- Regional plan for kultur, idrett og friluftsliv 2023-2035 Vestland
- Vedtekter for ungdomsrådet
- Trivselsarbeid ved Osterøy vidaregåande skule

Desse har vore på møter og gitt orienteringar til ungdomsrådet:

Ordførar Lars Fjeldstad

Rådmann Ingvild Kristi Hjelmtveit

Plansjef Pelle Engesæter

Leiar for Kultur og mangfald, Linda Svidal Nordås

Rådgivar ved Osterøy vidaregåande skule, Nina Rødseth

Sommar på Osterøy, ved styremedlem Trude Tomren og prosjektkoordinator Silje Solberg

Biblioteksjef Kristoffer Kleiveland

Osterøy helsestasjon

Deltaking på konferansar, samlingar og seminar

- Osterøyverkstaden. Ingen i rådet kunne vere med.
- Ungdommens fylkesting 2021: Theodor Solheim Gjenga deltok, og vart valt inn som 6. vara i Vestland Ungdomsutval

Deltaking i arbeidsgrupper og liknande

Henrik Styve Mjelde representerer ungdomsrådet i arbeidsgruppa for Kommunedelplan for idrett og fysisk aktivitet i Osterøy kommune.

Koordinator

Koordinator for ungdomsrådet er sekretær på møta og er kontaktperson for ungdomsrådet.

SØKNAD UNGDOMSRÅDET

Osterøy Bibliotek ynskjer å vera ein attraktiv samlingsstad og møteplass for ungdommar i kommunen. Me vil difor leggja til rette for ulik aktivitet i biblioteklokala som skal vera tilgjengeleg og gratis å nytta for dei som ynskjer. Me vil ha tre hovudområder me vil satsa på:

1. Tilgjengelighet: Me vil tilby Meirope for alle ungdommar som byrjar på Vgs. Dette betyr at biblioteklokala er tilgjengeleg også utanom opningstid mellom 0700 og 2300 kvar dag.
2. Ein oppdatert og kjekk ungdomskrok med gaming, bordtennis, sofa, oppdatert og ny ungdomslitteratur, fine møblar og ein god plass og henge.
3. Ei kul scene for små konsertar og andre arrangement av og for ungdommar. Me har potensiale til å kunne få på plass ei kul scene for små arrangement i biblioteket.

For å realisera dette søker me om kr 100 000 frå Ungdomsrådet, og ynskjer å samarbeide med dykk for å nå ut til ungdommar i kommunen. Me har allereie fått fleire gode innspel frå Ungdomsrådet i høve marknadsføring og sosiale medier, noko me har sett på dagsordenen og vil bli flinkare til. Me vil også lytta til kva ungdomsrådet og ungdommar på Osterøy ynskjer også etter dette prosjektet er over slik at me heile tida kan vera i utvikling og spela på lag med ungdommen. Me vonar difor ungdomsrådet vil støtta biblioteket til dette arbeidet, og at me saman kan gjera Osterøy til ein endå betre stad å bu for alle.

Beste helsing

Osterøy Bibliotek

Budsjett ungdomsrådet

Kostnader

Møbler	30000
Pa anlegg	20000
Lys	10000
Sceneelement	25000
Bordtennisbord	5000
Gaming	5000
Persiennar	5000

Totale kostnader

100000

Inntekter

Søknadssum Ungdomsrådet	100000
-------------------------	--------